


敵替録

五

津田文庫  
文庫 1  
1881  
5





獻替錄卷八

文天祥上理宗書

天祥以開慶四年應廷試。上萬言書。極陳時政。理宗親擢第一。故事。唱名後有門謝。門謝後。命之初階。天祥未及門謝。遽遭失怙之變。歸里閉門。迨己未冬。造朝門謝。會有江上之警。國家危急。有詔求言。乃上此書。

臣一介踈賤。遭逢聖明。猥以庸愚。早膺親擢。世道悠悠。風

後學 荻原裕錄評



塵流縻臣於其間。蓋嘗感激奮發。以為由今之道。無變今立。案之俗。一日有關於天下國家之故。懼以無辱。使令杜門。四年讀禮之外。蓋未嘗一日不思以自効也。乃者夏五。陛下臨軒策士。偶垂記憶。起臣於家居。進臣於仕籍。臣伏被宸命。感激不自勝。追惟蒙命之初。阻於朝謝。兆望眺同天路。輒奉表以聞。伏蒙聖慈。許詣拜闕。下德至渥也。臣就道以來。不圖國事寢難。邊烽頻迫。陛下引咎責躬。改過更始。召還舊德。斥去元奸。凡可以當天意。回人心者。無所不用其至。伏惟陛下不自神聖。猶親灑宸翰。誕布詔書。庶幾中外臣庶。危言極論。以有補於今日之故。陛下悔悟之意。上通於天。

1881-5

天下於此。感服陛下之勇。臣及趨謝闕庭。兩讀綸旨。為之哽咽下泣。君臣之義。與天地並立。况臣蒙被厚恩。非眾人比。使於此泯泯默默。上負陛下。內負帝衷。尚何以飲食於戴天履地戴履間哉。是以不避斧鉞。輒奮愚衷。條其說以獻。惟陛下裁幸。一曰簡文法。以立事。夫貴為天子。富有四海。垂衣拱手。以雍容於穆清之上。至尊之體也。不幸際時艱難。兵革四起。俯仰成敗。呼吸變故。此非用馬上治不濟。今國勢搶攘。固猶未至。如馬上之急。然寇入腹心。事干宗社。陛下為皇皇拯救之謀。不得不略効馬上治之之意。今陛下焦勞於上。兩府大臣。黽勉於君臣之間。不可謂非日討軍實而

申傲之者然尊卑闊絕禮節繁多陛下平旦視朝百官以  
鬼賊一般次奉起居宰相搢笏出奏從容不逾時軍國大事此雖陛  
下日夜與宰相汲汲而圖之猶懼不既謀王斷國之設施  
尊王庇民之蘊蓄豈能以頃刻交際而究竟之哉陛下退  
食之暇雖時出內批以與宰相商論宰相又時有奏報以  
立其建明然天下事得於面論者利害常決於一言筆墨  
所書或反覆數百言而不足事機交投寸陰可惜使宰相  
有此等酬酢而一事之末固有費其日力者矣其於機務  
豈不有所妨哉古者天子之於大臣或賜坐或賜食或奏  
事至日昃或論至夜分凡皆以通上下之情為國家至計

也賜茶之典五代時猶有之惟國初范質王溥頗存形迹  
此事遂廢陛下莫如稍復古初脫去邊幅於禁中擇一  
處聚兩府大臣日與議軍國大事陛下賜之款密親是非  
可否於其間衆議惟允則三省畫時施行上下如一都俞  
嗻咈之間必將有超然度外之舉天下何事不可為何難  
不可濟至於除授尤有關係且如近者重臣建闢之事方  
帥海門隨遷建鄴又進上饒布置變換如奕棋然卯詔辰  
行奔命不給大者措置之如此小者遷徙之更無人無定  
志事無成謀當此艱危豈不誤事繼自今始陛下宜與大  
臣熟議某人備某職某人任某事人物權衡當而後用朝

廷命令奠而後發。如此則觀聽者不至皇惑。馳驅者不至  
遲回。人知其令。惟行則無輕朝廷之心。士大夫知其可以  
展布四體。則鞠躬盡瘁而無觀望。其於國事。厥非小補。又  
如用一人也。或出於陛下之拔擢。或出於宰相之啓擬。中  
書已費行移。後者方及書讀。或有不當。又至繳駁。比其不  
繳駁也。則書黃徑下。其人徑受命矣。臺諫始從而有所指  
陳。是致國論紛紜。而內外職守。遷移如傳舍。施之平時。雖  
有體絃用之。今日恐悞事機。臣愚以為陛下宜倣唐諫官  
隨宰相入閣故事。令給舍臺諫。從兩府大臣。日入禁中。聚  
議。其有不可應時論難。不使退有後言。如此則國事無聚

訟之譏。宸命無反汗之失。事會無滯滯蹉跌之悔。豈不簡  
便易行哉。若夫中書乃王政所由出。宰相之重。又天子所  
與論道經邦。而不屑其他者也。今宰相來於倉卒之中。而  
制千里之難。立於敗壞之後。而責一旦之功。則雖敏手不  
能以大有為。須是博採四方之謀。苟盡天下之慮。而後不  
積於事。側聞軍期文書。填委叢挫。宰相以其開誠布公之  
歲月。弊弊焉於調遣科降之間。侍從近臣。且日不暇相接  
矣。諸葛亮以區區之蜀。抗衡天下十分之九。究其經濟大  
要。則曰集衆思。廣忠益。今衆思不暇集。忠益不暇廣。宰相  
不得已竭其一心。役其兩耳目。日與文書期會。相尋於無

窮此豈其才之不逮哉。我朝三省之繁密細碎。其勢固至此也。柳宗元有言。失在於制。不在於政。為今之計。惟有重六卿之權。可以清中書之務。今六部所司。絕其簡省。其間長貳常可缺員。莫如移尚書省六房隸之六部。如吏部得受丞相除授之旨。而行省劄。兵部得受樞密調遣之命。而發符移。其他事權一倣諸此。而又多置兩府屬官。如檢正都丞之類。使知蜀事者置一員。知淮事者置一員。知諸路事者置若干員。兩府日與其屬劇切講畫。以治此寇。而文書行移不與焉。如此則大臣有從容之暇。可以日見百官。以及百方賢俊。酬應簡則聰明全心志。一則利害審塞禍。

亂之路。開功名之門。當自此始。惟陛下思之。二曰。倣方鎮葉水以建守天下之大患。在於無兵。而無兵之患。以郡縣之制心已。唱此議。後來。明史可法。置江北四鎮。以禦韃虜。大抵。救郡縣之弊。必於方鎮。然設之。理宗福王時亦已。晚弊也。祖宗矯唐末五代方鎮之弊。立為郡縣繁密之法。使兵財盡關於上。而守令不得自專。昔之擅制數州。挾之以爭衡。上國者。至此各拱手趨約。束捲甲而藏之。傳世彌久而天下無變。然國勢由此寢弱。而盜賊遂得恣睢於其間。宣靖以來。天下非無忠臣義士。強兵猛將。然各舉一州一縣之力。以抗寇鋒。是以折北不支。而入於賊中。中興之臣識必出於此。州縣之事力有限。守令之權勢素微。虜至一城。則一城創殘。至一邑。則一邑蕩潰。事勢至此。非人之愆。

若不別立規矩何由戡定禍亂。臣愚以為若立一鎮於吉。而以建昌南安贛隸之。立一鎮於袁。而以臨江撫瑞隸之。擇今世知兵而有望者。各使以四州從事。其四州官吏。許以自辟。見在任者。或留或去。惟帥府所為。去者令注別路。差遣。其四州財賦。許以自用。自交事一日。始其上供諸色。窠名。盡予帥府。交事以前。是未解數目。亦許截留。其四州軍兵。見屬伍府者。必寡弱而不振。見行團結者。必分散而不齊。許於伍府團結者。外別出措置。收民丁以為兵。彼一州之緊急者。得三州稍寬緩之力。以為之助。三州之寬緩者。得一州當其緊急而無後憂。不三二月。如吉如袁。其氣

勢當自不同。例此而行之。江東廣東無不可者。范忠宣曰。法本無弊。弊則當改。天下豈有百世株守之法。鎮之法。其未皆有弊。所貴乎聖人者。唯能變通推移之故。郡縣所以矯方鎮之偏重。方鎮所以救郡縣之積重。今郡縣之輕甚矣。則夫立為方鎮之法。以少變其委瑣。不足恃之弊。真今日之第一義也。陛下一日出其度外之見。不次拔數人之沉鷲英果者。委以數鎮。俾各為國家當一面。則郡縣之間。文移不至於太密。事權不至於太分。兵財得以自由。而不至於重遲而不易舉。旬月之間。天下雷動雲合。響應影從。驅寇出境外。雖以得志中原可也。尚何惴惴宗社之憂哉。三曰結團。就以抽兵。抽兵之說。臣前已開其端。

而其節目未悉也。請再陳之。夫取兵於民。周井田。唐府兵之遺法也。今使者四出。分行營陳。俾各處團結。以自為鄉井之衛。疾行之中。此亦庶幾善步者。然而無益也。近時朝廷以保伍為意。官府下其事。里胥為里胥者。行執筆以抄其戶口。曰官命而各為保伍也。已而上其籍於官。又從而聖通塗之壁。取其甲分五五。而書曰保伍如右。所謂保伍者如此而已。臣居廬陵。往往有寇警。則鄉里又起。所謂義丁者。一日隅總擊柝以告其一方。曰寇至。毋去。諸而等各以某日聚某所。習所以守望。至其日也。椎牛釀酒以待。隨其所依。信其所持。從而類編為之伍。一匝乎村墟井落之

之間。翕然而聚。忽然而散。則義丁者又止如此而已。今朝廷命使以團結州縣奉旨而行。移計其規為布置。當有加密於臣所言者。然某所若干人。某所又若干人。屬邑合狀。帳申郡府。郡府合狀。帳申朝廷。計其數目。當自不少。然其令也散而不一。其合也多而不精。故當其分。則鄉村無以通於鎮市。鎮市無以通於城郭。虜突如其來。彼一方者。力不敵。勢不支。老弱未及揀。教閱未及施。雖有金鼓旗幟之物。而未知坐作進退之節也。雖有城池山澤之險。而未知備禦攻守之方也。且民之聚也。使之自峙其糧。自備其飲食。則有所不能仰於官。則無以給也。有以給。則又不能久。



也。臣故曰無益也。夫前所謂或千人或數百人此隅摠一  
日能辦也。今建言者不察其聚之易而用之難。增兵之有  
名而拒寇之無實。乃欲視其團結之多寡。升降其官賞。以  
為勸阻。意其一日之急。或者可驅而他之。賈誼有言。皆非  
事實。知治亂之體者也。陛下忱能委數州。立一方鎮。莫如  
俾為帥者。就團結之中。凡二十家。取其一人。以備軍籍。一  
郡得二十萬家。則可以得一萬精卒。例而行之。諸州則二  
鎮新兵。當不下三三萬。州郡見存之租賦。可以備兵食。見  
存之財利。可以備軍需。古人抽丁之法。或取之三家。或取  
之五家。今官收其米。以就為養。收其財。以就為用。既食其

力不當。又重役其人。惟於二十家取其一。則衆輕而易舉。  
州縣號召之無難。數月之內。其事必集。為帥者教習。以致  
其精。鼓舞以出其銳。山川其便習也。人情其稔熟也。出入  
生死之相為命也。鋒鏑之交。貌相識而聲相應也。如此兵  
者。一鎮得二三萬人。當凜凜然不下一敵國。今諸路列鎮。  
則精兵雖十餘萬。可有也。太祖皇帝南征北伐。所至如破  
竹。計其兵曾不滿二十萬。使吾於諸閫之外。別得十萬精  
兵。則何向而不可哉。或曰。國家經常皆用供億。州縣財賦。  
各有窠名。今上流之兵未解。江淮之餽如故。使移此事力。  
以給方鎮之兵。如諸閫何。嗚呼。擇害莫若輕。擇利莫若重。

臣蓋籌之審矣夫京湖之路既梗則雖有漕運而舟楫不能以前江廣之備既虛則雖有財賦而上地不能以自保與其束手無措以委輸於虜孰若變通盡利以庶幾虜之可逐也且夫江廣既全則吾之境內其惟正之供者尚多也陛下撫此厄運不得不勉自節縮曲為通融多方以濟諸閩之急支吾年時寇必就盡然一正吾之郡縣一復吾之經常未晚也不然殆未知其所終惟陛下深思亟圖之資格本非盛世之法然自賤歷貴循小至大亦勢四曰破資格以用之本朝用人專守資格祖宗之深意將之自然但用之才者便有利施之不才便貽害其弊必以習天下之才世雖有賢明忠智之人英偉奇傑之士亦至不問才否一以資格限之趙宋此弊為甚資格必殘馱之多涉歷之熟積勞持久而得至於高位養成遠

大之器消弭僥倖之風人才世道胥有利賴然弊也有才之利者常以無資格而不得遷不肖者常以不礙資格法而至於大用天下粹有變不肖者當之而有才者拱手熟視夫是以常遺國家之憂臣嘗見數年以來邊陲之間偶缺一帥陛下彷徨四顧弄印莫屬挨排應急不得已常取監司之風力者為之趙魏老不可以為滕薛大夫陛下非不知其然也他人資格或有未及而彼適可得之雖其才具容有不逮然猶意境外無事以幸其不至於敗缺以其敗缺則倉皇變易常至於失聲色而後已嗚呼此平世拘攣之弊也夫天下事勢潰決已甚一有蹉跌事關存亡百夫不

可輕擇將一壘不可輕畀守况其重者乎今自朝郎以上凡內之卿監侍從外之監司郡守朱紫其綬唱喝車蓋而出者不知幾人使其中果有非常之才堪任將帥則是望實既優資格又稱一日舉而置之萬夫百將之上誰曰不然然臣意陛下之未有其人也則夫宗社安危之機不可輕決於庸人而有資格者之手世之能辦此事者間多矣三辰不軌拔士為相蠻夷猾夏拔卒為將事用各論其時也今何如時尚拘拘子子於資格之末臣觀州縣之間凡寮底小官馳驟於繁劇之會者蓋甚有之薦引之法濫弊於私而改官之格率為勢要者所據孤寒之中獨無可任

大事者乎三歲一貢士碌碌成事者衆而氣概才識望于鄉里曾不得一名薦書抱膝隆中杖屨軍門固皆逢掖章甫之流也夫今日之士他日之官也今日之小官他日之為公卿者也天下有事凡能擔當開拓排難解紛惟其才耳有固明知其人之有才而拘於資格之所不可則亦姑委棄之此豪傑之士所以痛心疾首於世變之會也陛下如建立方鎮收拾人才臣願明詔有司俾稍解繩墨以進英豪於資格之外重之以其任而輕授以官俟其有功則漸加其官而無易其位漢唐法度踈闊其一時人才常個儻不羈本朝以道立國以儒立教則亦無恥乎爾然至於

今日事變叢生。人物落落。奈何不少。變之哉。至如諸州之義甲。各有土豪。諸峒之壯丁。各有隅長。彼其人望。為一州長雄。其間蓋有豪武特達之才。可以備總紘之任。一日舉之。以為百校之長。則將帥由是其選也。其穎異通敏者。引之帷幄。樽俎之密。又從而拔其尤者。委之人民社稷之重。則人才不可勝用也。至如山巖之氓。市井之靡。刑餘之流。盜賊之屬。其膽勇力絕。足以先登。其智辨機警。足以間諜。使貪使愚。使詐使勇。則群策群力。皆吾屈也。昔之方鎮。食其土地。用其人民。拊循其士大夫。馳策其跣跣之士。故雖以區區之地。常足以與天下爭雄。今雖未至於此。然陛下

鬚髯而行之。則吾規模意氣。固已一變前日之弱矣。惟陛下下熟計之。幸甚。夫古之為天下國家者。常有敵國相持之憂。然而立乎四戰之衝。將衄兵潰。屬起屬仆。而其國終不可動。由卓然有所立故也。今陛下奮發神斷。赫然悔悟。所以洗舊污。更宿弊。如雷霆風雨交馳。並至而不可禦。陛下亦求所以為自立矣。而未得其力也。自立之方。臣前所獻之數條是已。雖然。臣意陛下未之能行。則有說也。何也。悔悟之意未明也。奸人當國。指天下能言之士。謂之好名。譁競使好名。譁競者常在朝廷。則清議之禍。陛下必及。受用事。應不至今日。惟浸潤膚受為毒已深。而後陛下之人才

盡逐陛下今既悔悟矣。然鋒車所召率未及前日擯棄流  
落之人。或謂陛下猶有愛於貌為靖共者耶。此悔悟未明  
之一也。三數年前搢紳之能出臆論□者。既為奸人所屏。  
學校之士猶叩關疊疊不自己。奸人疾其為害已也。託名  
學校重致意於禁上書之一條。而陛下之言路盡塞。陛下  
今既悔悟矣。然食肉之徒未有能出一語以救陵遲之禍。  
惟學校不憚懇懇以為言。彼其所疏固有未盡切實者。陛  
下何不擇其言者而施行。歟。此悔悟未明之一也。今有久  
馬陷於酒色。湛溺而不自知。元氣日絕。蝕於內容。邪日衝  
擊於外。四肢百骸幾至解體。一日倏大悔悟。自創其酒色

之愆。而使為朋友僕御者各得以動攻己之短。其為身謀  
幾晚矣。然知湛溺之為病。而猶諱其所由來。則是病根固  
在也。人非不知愛身。彼諱病根而不肯決去者。說其小而  
忘其大也。陛下所以救社稷重於救身。則夫病根所在。何  
所顧惜而不之去歟。高宗皇帝以麥飯豆粥之苦。植立東  
南百四十年太平之基。陛下嗣無疆大曆服。所以撫摩愛  
養。培億萬年丕天之休。加用力焉。不幸比者中外怨叛。吾  
之赤子自延寇入室。謀危國家。蓋至今日。遠近為之荷擔。  
宗社幾於綴旒。天下之人追咎其失。以為聚斂之過。而聚  
斂之事。通國憤然怒罵。以為倡於陛下左右之人。夫此一

人者竊弄威權。上累聖德。其凶談威惡。蠱國害民者。臣不能具數。獨其攘臂聚斂。招集奸凶。為陛下失土。以貽宗社不測之憂者。其罪莫甚焉。趙簡子命尹鐸為晉陽。尹鐸曰。繭絲乎。保障乎。簡子曰。保障哉。古之為天下計者。不屑於其小。而惟遠者是圖。不快於目前之求。而常恐其一朝之患。故雖簡子區區之大夫。尹鐸區區之小吏。其所規為。猶及於此。國家之大。不可以田舍翁自為也。後之人君。思以富雄天下。固有時出其聚斂之術。然猶繭絲自繭絲。保障自保障。何物刑餘為謀。不感率天下以共向繭絲之的。而保障之地。亦不得免焉。繭絲之毒。不可忍。而保障之

禍不可為。陛下間者屢出內帑金帛。分給諸司。期有救於難。然調度方殷。兵革又不得息。前日聚繭絲之得。未什佰。今日救保障之憂。蓋千萬億。而未有已也。嗚呼。誰生厲階。至今為梗。向使此人者。不以聚斂。斷伐祖宗涵洪寬大之仁。蠱賊陛下神明英武之德。則必不妄籍民財。以入脩內司。必不豪奪民產。以實御莊。必不諧價西園。以布中外。貪酣之寵。必不交通南牙。以開朝廷污濁之門。如此則奸人必不得竊據相位。徧置私人。如此則強禦掎克之流。必不得齒於縉紳。玷於節鉞。如此則各郡有賢守。各路有賢監司。必不侵漁以交結北司。剝割以應奉內獻。民心必無

變宗社必無危。今朝廷知江閩虛取漁舟，故吾人為虜鄉導。以至於此，曾不知是數年間外之監司郡守，求為交結，應奉而一切不恤，以失吾民戴宗無二之心者。所在有之。江閩之事偶著爾，今論者追訟江閩之罪，死有餘責。則夫使士大夫貿貿焉為聚斂，重失人心，激天下以各懷怨叛。如臣所指之人者，一死詎足道哉！且奸人之入相也，使非此人者與之相為表裏，以掩陛下之聰明，密為遊揚，必開陛下之信用，則賢者必不以好名中傷，言者必不以諱競逐去。學校之持公論者，必不以誼橫得禍。士大夫之秉直節者，必不以貪職加罪。朝廷清一言路光明，邪人何自而

赫張民瘼，何自而壅隔人離，而陛下何以不覺。寇至而陛下何以不知，彼其依憑陛下恩寵，以為奸人與主，故顛倒宇宙，濁亂世界，而得以無忌憚。使陛下今日訟過於天地，負媿於祖宗，結怨於人民，受侮於夷狄，則豈獨一奸人為之哉！原情定罪，莫重於與主，而奸人次之。莊周曰：兵莫慘於志，鎡錡為下，言刺人而殺之，不在於手而在於心。不在於心而在於所以用其鋒者。奸人則鎡錡也，與主則志也。方今國勢危疑，人心杌隉，陛下為中國主，則當守中國，為百姓父母，則當衛百姓。且夫三江五湖之險尚無恙也，六軍百姓之雄非小弱也，陛下卧薪以勵其勤，斫案以奮其勇。

天意悔禍。人心敵愾。寇逆死且旦夕。或謂其人者鋪張驚  
憂。以沮陛下攘寇之志。處分脆弱。將誤陛下為去幽之行。  
居前日則曰。我能為君充府庫。以盜其權。居今日則曰。獻  
其小心。出其小有財。使陛下意其緩急可恃。以固其寵。向  
非陛下參酌國論。堅凝廟謨。為効死不去之計。則一日嘗  
試其說。六師一動。變生無方。臣恐京圻為血。為肉者。今已  
不可勝計矣。小人誤國之心。可勝誅哉。臣愚以為今日之  
事。急矣。不斬董宗臣。以謝宗廟神靈。以解中外怨怒。以明  
陛下悔悟之實。則中書之政。必有所撓。而不得行。賢者之  
事。必有所忌。而不敢都人之異議。何從而消。敵人之心。膽

奮

何。從。而。破。將。士。忠。義。之。氣。何。從。自。激。昂。軍。民。感。泣。之。淚。何。  
自。奪。發。禍。難。之。來。未。見。卒。平。之。日。也。千。金。之。家。得。一。僮。奴。  
稍。足。以。稱。其。私。雖。害。于。而。家。未。忍。亟。去。况。其。人。給。事。之。歲。  
月。已。深。乞。憐。之。懇。款。已。熟。陛下性資仁孝。亦豈忍遽甘心  
焉。然宗社之事。重左右之恩。輕蠹民誤國之罪。深承顏順  
色之愛。淺伏惟陛下以宗廟社稷之故。割去私愛。勉從公  
議。下臣此章。付之有司。暴其罪惡。明正典刑。傳首三軍。以  
徇如此。而天下不震動。人心不喜悅。將士不感泣。而思奮  
虜寇不駭愕。而謀還。是人心天理可磨滅也。是天經地義  
可澌盡也。臣所不信。臣嘗讀諸葛亮出師表。輒掩卷哀憤。



悲其用心亮之言曰宮中府中俱為一體陟罰威否不宜  
異同若有作奸犯科及為忠善者宜付有司論其刑賞以  
昭平明之治亮將獎率三軍北定中原攘除奸凶興復漢  
室其於官府之政宜若無與而獨區區以此為先者良以  
社稷安危之權國家存亡之故不在於境外侵迫之寇而  
內之陰邪常執其機牙此亮之所以深權內外本末之規  
而先窒其禍亂之源也今臣上自朝廷下至州縣所以分  
畫其規模纖悉其經緯以上助尊夏攘夷之一書者已畧  
備矣而臣獻其狂愚於未猶有惑於亮之書區區劣功何  
敢引亮為證顧所以忠君愛國之心則亮之為也臣非不

知疎遠之人指陳無狀干犯天誅罪在不赦且使幸赦之  
不誅則左右之人仇疾臣言亦將不免然臣所以不顧危  
亡寧以身犯不測之鋒者義命之際臣固擇之精矣方今  
社稷震動君父驚虞此所謂危急存亡之秋臣委質為臣  
與國同休戚親見外患如火燒原而內寇又復植根固流  
波湧則禍難無涯臣死正自無日與迫怵於權勢之威  
憂疑於一己之禍噤口結舌以坐待國家之難而後死孰  
若犯死一言感悟天聽如陛下以為狂妄而誅之臣固已  
自今一死萬一陛下察臣之忠行臣之言以幸宗社則臣  
與國家同享其休榮等死之中又有生路此臣所齎咨涕

涕望闕懇悃而不能自己也。臣冒瀆天威。隕越震懼。謹席藁私室。以俟威命之下。臣無任瞻天望聖。激切屏營之至。一氣上下六千餘言。直將一腔熱血。淋漓痛切。傾寫來。字字義憤。字字憂國。愛君字字可歔歔。以咽嗚。讀此篇者。雖非門下之謝皋羽。誰不慟哭而絕叫。噫。後來紫市一死。真是天昏鬼哭。○此疏後。予於有明。獨愛史閣部北征疏。焉。閣部之與信國。際遇同。履歷同。時艱同。流離顛沛亦同。而皆厄於小人。皆死於夷虜。忠義議論文章。無一不同。可見讀聖賢之書者。一揆同懷。皆有實踐。安知百世之下。斯人斯文不再出耶。一喜一懼。偶有感焉。

附揭于此。時方秋仲。天氣淒冷。心骨爽然。裕識。

鄭俠上饑民圖疏 補遺

熙寧中大旱蝗。流民滿塗。時王氏新法已出。天下駭然。俠適監安上門。繪所見為一圖。附此疏。將上。不得達。乃作邊檄。夜傳入禁中。帝方有西顧之憂。遽秉燭啓封。乃饑民圖也。帝反覆迴觀。長吁數四。

安石怒編管英州

臣伏睹去年大蝗。秋冬无早。今春不雨。麥苗乾枯。黍粟麻豆皆不及種。五穀踴貴。民情憂惶。十九懼死。逃移南北。困苦道塗。方春斬伐。竭澤而漁。大營官錢。小營升米。草木魚鱉亦莫生。遂夷狄輕肆。敢侮軍國。皆由中外之臣輔佐。陛

下不以道。以至於此。願陛下開倉廩。賑貧乏。有司掎歛。不道之政。一切罷去。庶幾早名和氣。上應天心。以延天下蒼生垂死之命。君臣際會。貴乎知心。以臣之愚。深知陛下愛養民庶如赤子。故自即位以來。一有利民便物之事。無不毅然主張行之。陛下之心亦願入人壽富。而中外之臣。略不推明陛下此心。乃恣其叨憤。剗割生民。侵肌及骨。使之困苦而不聊生。夫陛下所存如彼。羣臣所為如此。臺諫之臣。默默具位。而不敢言事。至於規避百為。不敢居是職事。凡百執事。又皆貪猥。近利使懷。道抱識之士。皆不欲與之言。不識時然耶。陛下有以使之然耶。臣又見南征北伐。皆



九

<p>此書係...</p>	<p>...</p>	<p>...</p>
---------------	------------	------------

邨嘉平刻

卷八

九

